

元史新編

元史卷八十三

百官三

之官

太常禮儀院掌大禮樂祭享宗廟社稷封贈諡號等事中  
統元年中都立太常寺設寺丞一員以翰林兼攝之九年  
設卿一員正三品少卿以下五員品秩有差延祐元年復  
改升院正二品以大司徒領之後定置院使二員正二品  
同知二員正三品僉院二員從三品同僉二員正四品院  
判二員正五品經歷一員從五品都事一員從七品照磨  
兼管勾承發架閣庫一員正八品屬官博士二員正七品  
奉禮郎二員奉禮兼檢討一員並從八品協律郎二員從  
八品大祝十員從八品禮直管勾一員從九品令史四人  
通事知印譯史各二人宣使四人典吏三人

太廟署掌宗廟行禮兼廩犧署事令二員丞一員並從六品

郊祀署掌郊祀行禮兼廩犧署事令二員從六品丞二員從七品

社稷署令二員從六品丞一員從七品

大樂署令二員從六品丞一員從七品掌管禮生樂工四百七十九戶

典瑞院掌寶璽金銀符牌中統元年始置符寶郎二員至元十六年立符寶局正五品十八年改典瑞監秩正三品大德十一年升典瑞院置院使四員正二品同知二員正三品僉院二員從三品同僉二員正四品院判二員正五品經歷二員從五品都事二員從七品照磨兼管句承發

架閣庫一員正八品令史四人譯史四人知印通事各一人宣使四人典吏三人

太史院掌天文厯數之事至元十五年始立院置太史令等官一員至大元年升從二品設官十員延祐三年升正二品設官十五員後定置院使五員正二品同知二員正三品僉院二員從三品同僉二員正四品院判二員正五品經歷一員從五品都事一員從七品管句一員從九品令史二人譯史一人知印二人通事一人宣使二人典吏二人

春官正兼夏官正一員秋官正兼冬官正中官正一員皆正五品

保章正五員正七品副五員正八品

掌麻二員正八品腹裏印麻管句一員從九品各省司  
麻十二員正九品印麻管句二員從九品靈臺郎一員  
正七品監候六員從八品副監候六員正九品星麻生  
四十四員挈壺正一員從八品司辰郎二員正九品燈  
漏直長一人教授從八品學正從九品各一員校書郎  
二員正八品

司禮監至正元年十二月奉旨依世祖故事復立司禮監  
給四品印掌師翁祭祀祈禳之事置內監少監監丞各二  
員知事一員譯史令史奏差各二名自後復升爲三品  
祕書監掌歷代圖籍并陰陽禁書卿四員正三品太監從  
三品少監從四品監丞從五品各二員典簿一員從七品  
令史三人知印奏差各二人譯史通事各一人典書二人

典吏一人屬官著作郎二員從六品著作佐郎二員正七品祕書郎二員正七品校書郎二員正八品辨驗書畫直長一員正八品至元九年置其監丞皆用大臣奏薦選世家名臣子弟爲之亦參用宦者

司天監掌凡麻象之事提點一員司天監三員竝正四品少監五員正五品丞四員正六品知事一員令史二人譯史一人通事兼知印一人屬官提學二員教授二員竝從九品學正二員天文科管句二員算麻科管句二員三式科管句二員測驗科管句二員漏刻科管句二員竝從九品陰陽管句一員押宿官二員司辰官八員天文生七十五人中統元年因金舊制立司天臺設官屬至元八年以上都承應闕官增置行司天監十五年別置太史院與臺

竝立頒麻之政歸院學校之設隸臺

回回司天監掌觀象衍麻提點一員司天監三員少監監丞各二員品秩同司天監知事一員令史三員通事兼知印一人奏差一人屬官教授一員天文科算麻科三式科測驗科漏刻科各置管句一員陰陽十八人世祖在潛邸時徵回回爲星學者札馬刺丁等以其藝進未有官署至元八年始立司天臺後改爲監

翰林兼國史院中統初以王鶚爲翰林學士未立官署至元元年始置秩正三品六年置承旨三員學士二員侍讀學士二員侍講學士二員直學士二員八年升從二品二十年省并集賢院爲翰林國史集賢院二十二年復分立集賢院二十六年置官吏五員掌管教習回回奔思替菲

文字大德九年升正二品皇慶元年升從一品延祐元年別置回回國子監學後定置承旨六員從一品學士二員正二品侍讀學士二員從二品侍講學士二員從二品直學士二員從三品屬官待制五員正五品修撰三員從六品應奉翰林文字五員從五品編修官十員正八品檢閱四員典籍二員竝正八品經歷從五品都事從七品各一員掾史四人譯史通事知印各二人蒙古書寫五人書寫十人接手書寫十人典吏三人典書二人

蒙古翰林院掌譯寫一切文字及頒降璽書竝用蒙古新字仍各以其國字副之承旨七員學士二員侍讀學士二員侍講學士二員直學士二員待制四員修撰二員應奉五員經歷都事各一員品秩竝同翰林國史院承發架閣



庫管句一員必闍赤十四人掾史三人通事一人譯史一人知印二人書寫一人典吏三人

蒙古國子監祭酒一員從三品司業二員正五品監丞一員正六品令史一人必闍赤一人知印一人

蒙古國子學博士二員助教二員教授二員學正學錄各二員掌教習諸生於隨朝百官怯薛台蒙古漢兒官員選子弟俊秀者入學至元八年置官五員後以每歲從駕上都教習事繁設官員少增學正二員學錄二員三十一年增助教一員典給一人後定置博士二員正七品助教二員教授二員並正八品學正學錄各二員典書一人典給一人

丙八府宰相掌諸王朝覲饋介之事遇有詔令則與蒙古

翰林院官同譯寫而潤色之其貴似侍中其近似門下而無授受宣命品秩則視二品焉大德九年以蔑怯圖等八人爲之天祿元年爲內八府宰相之職故附見此云

集賢院掌提調學校徵求隱逸召集賢良凡國子監玄門道教陰陽祭祀占卜祭遁之事悉隸焉元初集賢與翰林國史院同一官署至元二十二年分立兩院置大學士三員學士一員直學士二員典簿一員吏屬七人二十四年增置學士侍讀學士待制各一員後定置大學士五員從一品學士二員正二品侍讀學士二員侍講學士二員並從二品直學士三員從三品待制一員正五品修撰一員從六品經歷一員從五品都事二員從七品兼管句承發架閣庫一員正八品掾史六人譯史知印各二人通事一

人宣使七人典吏三人

國子監至元初以許衡爲集賢館大學士國子祭酒教國子與蒙古大姓四怯薛人員選七品以上朝官子孫爲國子生隨朝三品以上官得舉凡民之俊秀者入學爲陪堂生伴讀至元二十四年始置監祭酒一員從三品司業二員正五品掌國之教令皆德尊望重者爲之監丞一員正六品專領監務典簿一員令史二人譯史知印典吏各一人

國子學秩正七品置博士二員掌教授生徒考較儒人著述教官所業文字助教四員分教各齋生員大德八年爲分職上都增置助教二員學正二員學錄二員督習課業典給一員掌生員膳食至元二十四年定置生

員額三百人伴讀十人延祐二年增置生員百人伴讀二十人

興文署秩從六品署令一員以翰林修撰兼之署丞一員以翰林應奉兼之至治二年罷置典簿一員從七品掌提調諸生飲膳與凡文牘簿書之事仍置典吏一人奎章閣學士院天祿二年立於興聖殿西命儒臣進經史之書攷帝王之治大學士二員正三品尋升爲學士院大學士正二品侍書學士從二品承制學士正三品供奉學士正四品參書從五品多以他官兼領其職至順元年增大學士二員共四員侍書學士二員承制學士二員供奉學士二員首領官參書二員典籤二員照磨一員內掾四人譯文內掾二人知印二人怯里馬赤一人宣使四人典

書五人屬官授經郎一員至元六年罷奎章閣立宣文閣不置學士惟設授經郎及監書博士

羣玉內司天厯二年始置掌奎章圖書寶玩及凡常御之物監司一員正三品司尉一員從三品亞尉一員正四品僉司二員從四品司丞二員正五品典簿一員正七品令史二人知印一人怯里馬赤一人奏差典吏各二人給使八人司膳四人

藝文監天厯二年置專以蒙古語敷譯儒書及儒書之合校讐者俾兼治之太監檢校書籍事二員從三品少監同檢校書籍二員從四品監丞參檢校書籍事二員從五品典簿照磨各一員令史四人譯史一人怯里馬赤一人奏差二人典吏三人至正六年改爲崇文監令翰林院國史

院領之

監書博士品定書畫擇朝臣之博識者爲之博士二員  
正五品書吏一人

藝林庫提點一員從六品大使一員副使一員正七品  
庫子二人本把二人掌藏貯書籍

廣成局掌傳刻經籍及印造之事大使一員從七品副  
使一員正八品直長二人正九品司吏二人

通政院元初置驛以給使傳設脫脫禾孫以辨奸僞至元  
七年初立諸站都統領使司以總之設官六員十三年改  
通政院大都上都各一院二十九年又置江南分院旋罷  
之至大四年罷院以其事歸兵部是年兩都仍置止管達  
達站赤延祐七年復兼領漢人站赤大都院使四員從二

品同知二員正三品副使二員從三品僉院一員正四品同僉一員從四品院判一員正五品經歷一員從五品都事一員從七品照磨兼管勾承發架閣庫一員正八品令史十三人通事一人知印二人宣使十人上都院使同知副使僉院判官各一員經歷都事各一員品秩竝同大都令史四人譯史三人通事一人知印一人宣使十人

廩給司秩從七品掌諸王諸蕃各省四方邊遠使客飲食供張等事至元十九年置提領司令司丞各一員詳定使司至正十七年置掌四方獻言攷其所陳之善者以聞於上詳定使二員正三品副使二員正四品掌書記二員正七品中書官提調之

給事中秩正四品至元六年始置起居注左右補闕掌紀

錄隨朝省臺院諸司奏聞之事如古左右史十五年改給事中兼修起居注二員左右補闕改爲左右侍儀奉御兼修起居注一員令史一人譯史四人通事兼知印一人

太宗正府元初未有官制首置斷事官曰札魯忽赤會決庶務凡諸王駙馬投下蒙古色目人等應犯一切公事及漢人奸盜詐僞蠱毒厭魅誘掠逃驅輕重罪囚及邊遠出征官吏每歲從駕分司上都存畱住冬諸事悉掌之至元二年置十員從一品銀印止理蒙古公事以諸王爲府長餘悉御位下及諸王之有國封者又有怯薛人員奉旨署事別無頒受宣命其後增置十四員二十一員三十四員至四十六員皇慶元年省二員以漢人刑名歸刑部泰定元年復命兼理致和元年以上都大都所屬蒙古人并怯



薛軍站色目與漢人相犯者歸宗正府處斷其餘路府州縣漢人蒙古色目詞訟悉歸有司刑部掌管正官札魯忽赤四十二員從一品郎中二員正五品員外郎二員從六品都事二員從七品承發架閣庫管勾一員從八品掾史十人蒙古必閣赤十三人通事知印各三人宣使十人蒙古書寫一人典吏三人庫子一人醫士一人司獄二員都護府掌領舊州城及畏吾爾之居漢地者有詞訟則聽之大都護四員從二品同知二員從三品副都護二員從四品經歷一員從六品都事一員從七品照磨兼承發架閣庫管勾一員正八品令史四人譯史二人通事知印各一人宣使四人典吏二人至元十一年初置畏吾爾斷事官十七年改領北庭都護府二十年改大理寺二十二年

復爲大都護

崇福司掌領馬爾哈昔列班耶里可溫十字寺祭享等事  
司使四員從二品同知二員從三品副使二員從四品司  
丞二員從五品經歷一員從六品都事一員從七品照磨  
一員正八品令史二人譯史通事知印各一人宣使二人  
至元二十六年置延祐二年改爲院置領院事一員省并  
天下耶里可溫掌教司七十二所悉以其事歸之七年復  
爲司

大司農司掌農桑水利學校饑荒之事至元間立農政院  
又改立務農司又改司農寺其後定置大司農四員從一  
品大司農卿二員正二品少卿二員從二品大司農丞二  
員從三品經歷一員從五品都事二員從七品架閣庫管

句照磨各一員竝正八品掾史十二人蒙古必闈赤二人  
回回掾史一人知印二人通事一人宣使一人典吏五人  
籍田署掌耕種籍田以奉宗廟祭祀署令一員從六品  
署丞一員從七品司吏一人

供膳司掌供給應需貨買百色生料并桑葛籍入貨產  
達魯花赤一員提點一員竝從五品司令一員正六品  
丞一員正七品吏一人

輔用庫秩正九品掌規運息錢以給供需大使副使  
各一員

興中州等處油戶提領所秩從九品提領大使副使  
各一員歲辦油十萬斤以供內庖

蔚州麪戶提領所提領一員副使一員掌辦白麪蔥

菜以給應辦歲計十餘萬斤

永平屯田總管府秩從三品達魯花赤一員總管同知  
知事各一員司吏四人所轄昌國濟民豐贍三署各置  
署令一員署丞一員直長一人吏目一人吏二人

分司農司至正十三年正月命中書右丞悟良哈台左丞  
烏古孫良楨兼大司農卿給分司農司印西自西山南至  
保定河間北至檀順州東至遷民鎮凡官地屯田募民佃  
種

大兵農司至正十五年詔有永田處置大兵農司招募夫  
丁有事招討無事耕種所置司之處曰保定等處河間等  
處武清等處景薊等處其屬有兵農千戶所二十四處百  
戶所四十八處鎮撫司各一

大都督兵農司至正十九年置於西京以孛羅帖木兒領之仍置分司十道專掌屯種之事

都水監掌治河渠並隄防水利橋梁牐堰之事都水監二員從三品少監一員正五品監丞二員正六品經歷知事各一員令史十人蒙古必閣赤一人回回令史一人通事知印各一人奏差十人壕寨十六人典吏二人至元二十八年置

大都河道提舉司提舉從五品同提舉從六品副提舉從七品各一員

行都水監至正八年因河患詔於濟寧鄆城立行都水監九年又立山東河南等處行都水監以河防提舉司隸之掌巡視河道秩從五品增設少監監丞知事各一員判官

二員

都水庸田使司順帝至元二年置於平江至正十二年因海運不通京師闕食詔河南窪下水泊之地置屯田八處於汴梁增立都水庸田使司正三品掌種植稻田之事庸田使副使僉事各二員首領官經歷知事照磨各一員司吏十二人譯史二人

都總制庸田使司至正十年置於河南江北等處凡二員從二品副使二員從三品僉司六員從四品首領官經歷二員從六品都事二員從七品照磨兼管句承發架閣庫一員從八品蒙古必闐赤回回令史怯里馬赤知印各一人令史十八人宣使十八人壕寨十八人典吏四人其屬官則有軍民屯田總管府凡五處置達魯花赤各一員從

三品總管正五品同知正六品府判從七品首領官經歷  
從八品知事從九品提控案牘兼管句承發架閣庫每處  
各一員蒙古譯史各一人司吏各六人典吏各二人又有  
農政司農政正五品農丞正六品各一員提控一員司吏  
二人又有豐盈庫提領一員正八品大使副使各一員正  
九品

元史卷八十四

志七之四

百官四

宮禁營繕  
供御之官

侍正府至順二年置侍正十四員正二品同知二員正三品參府二員從三品侍判二員正四品經歷一員從六品都事一員從七品照磨一員從八品掌內廷近侍之事領速古爾赤四百人奉御二十四員拱衛直都指揮使司爲其屬掾史八人譯史四人通事知印各二人宣使八人典吏五人

奉御二十四員尙冠奉御二員從五品尙冠副奉御三員從六員尙衣奉御二員從五品尙衣副奉御二員從六品尙鑿奉御二員從五品尙鑿副奉御二員從六品尙沐奉御二員從五品尙沐副奉御二員從六品尙飾



兼尙輦奉御二員正六品尙飾兼尙輦副奉御二員正七品奉御掌簿四員從七品天庥初置以四怯薛之速古爾赤爲之

太醫院掌醫事製奉御藥物領各屬醫職院使十二員正二品同知二員正三品僉院二員從三品同僉二員正四品院判二員正五品經歷二員從七品都事二員從七品照磨兼承發架閣庫一員正八品令史八人譯史二人知印二人通事二人宣使七人

廣惠司秩正三品掌修製御用回回藥物及和劑以療諸宿衛士及在京孤寒者司卿四員少卿二員司丞二員經歷知事照磨各一員

大都上都回回藥物院秩從五品掌回回藥事隸廣

惠司定置達魯花赤一員大使二員副使一員

御藥院掌受各路鄉貢諸蕃進獻珍貴藥品修造湯煎  
達魯花赤一員從五品大使二員從五品副使三員正  
七品直長一員都監二員

御藥局掌兩都行篋藥餌大德九年分立行御藥局掌  
行篋藥物本局但掌上都藥倉之事定置達魯花赤一  
員從五品局使二員從五品副使二員正七品

行御藥局秩從五品達魯花赤一員大使二員副使三  
員品秩同上掌行篋藥餌

御香局秩從五品提點一員司令一員掌修合御用諸  
香

大都惠民局秩從五品掌收官錢經營出息市藥修劑

以惠貧民受大醫院劄

上都惠民司提點司令各一員品秩竝同上

醫學提舉司秩從五品掌考較諸路醫生課義試驗太醫教官校勘名醫撰述文字辨驗藥材訓誨太醫子弟領各處醫學提舉副提舉各一員

官醫提舉司秩從五品掌醫戶差役詞訟

大都保定彰德東平四路設提舉同提舉副提舉各一員

河間大名晉寧大同濟寧廣平冀寧濟南遼陽興和十路設提舉副提舉各一員

衛輝懷慶大寧設提舉一員

宣徽院掌供玉食凡稻粱牲牢酒醴蔬果庶品之物燕享

宗戚賓客之事及諸王宿衛怯憐口糧倉蒙古萬戶千戶  
合納差發係官抽分牧養孳畜歲支芻草粟菽羊馬價直  
收受闌遺等事與尙會尙藥尙醞三局皆隸焉所轄內外  
司屬用人則自爲選至元十五年置院使一員皇慶元年  
始定怯薛丹一萬人本院掌其給授後定置院使六員從  
一品同知二員正二品副使二員從二品僉院二員正三  
品同僉二員正四品院判二員正五品經歷二員從五品  
都事三員從七品照磨一員承發架閣庫一員竝正八品  
掾史二十人蒙古必闈赤六人回回掾史二人怯里馬赤  
二人知印二人典吏六人蒙古書寫二人其屬附見

光祿寺掌起運米麴諸事領尙飲尙醞局沿路酒坊各  
路布種事卿四員正三品少卿二員從四品丞二員從

五品主事二員從七品令史八人譯史知印各二人通事一人奏差二十四人典吏三人蒙古書寫一人

大都尙飲局掌醞造上用細酒提點一員從五品大使一員正六品副使二員正七品

上都尙飲局品秩同上

大都尙醞局掌醞造諸王百官酒醴提點一員從五品大使一員正六品副使二員正七品直長一員正八品上都尙醞局員品秩同上

大都醴源倉掌受香莎蘇門等酒材糯米鄉貢麴藥以供上醞及歲賜諸王百官者提舉一員從六品大使一員從七品副使一員正八品

上都醴源倉秩從九品掌受大都轉輸米麴并醞造車

駕臨幸次舍供給之酒大使直長各一員

尙珍署掌收濟寧等處田土子粒以供酒材達魯花赤一員令一員竝從五品丞二員正七品吏目二員

安豐懷遠等處稻田提領所秩從九品掌稻田布種歲收子粒轉輸醴源倉定置提領二員

尙舍寺秩正四品掌行在帷幙帳房陳設之事收養駱駝供進愛蘭乳酪太監少監監丞知事各二員

諸物庫秩從七品掌出納提領一員大使副使各一員  
闌遺監掌不闌奚人口頭匹諸物太監一員正四品少監二員正五品監丞二員正六品知事一員從八品提控案牘一員從九品令史五人譯史一人知印兼通事一人奏差五人

尚倉局掌供御膳及出納油麪酥蜜諸物提點一員從五品大使一員正六品副使二員正七品直長一員正八品

大都生料庫提點二員從五品大使二員正六品副使三員正七品

上都生料庫掌受弘州大同虎賁司農等歲辦油麪大都起運諸物供奉內府放支宮人宦者飲膳提點一員大使一員副使二員品秩同上直長一員正八品

大都大倉上都大倉掌內府支持米豆及酒材米麴藥物各設提舉一員正六品大使一員從六品副使一員從七品

大都上都柴炭局達魯花赤各一員正七品大都大使

一員上都大使三員皆正七品副使各二員正八品直長各一人掌輦場典吏各一人

尙牧所提舉二員從五品同提舉一員從六品副提舉一員從七品吏目一員

沙糖局掌沙糖蜂蜜煎造及方貢果木達魯花赤一員從五品提點一員從五品大使一員正六品副使一員正七品

永備倉掌受兩都倉庫起運省部計置油麪諸物及雲需府所辦羊物以備車駕行幸膳羞提點一員從五品大使一員正六品副使一員正七品

豐儲倉秩從九品大使一員掌出納車駕行幸支持膳羞



淮東淮西屯田打捕總管府掌獻田歲入以供內府及  
湖泊山場漁獵以供內膳達魯花赤一員正三品總管  
一員正三品同知一員正五品府判一員正六品經歷  
一員從七品知事一員從八品提控案牘一員從九品  
司吏六員

屯田打捕提舉司八處一淮安州二高郵三招泗四安  
東海州五揚州通泰六安豐廬州等處七鎮巢等處八  
塔山徐邳沂州等處秩俱從五品每司各設達魯花赤  
一員提舉一員並從五品同提舉一員從六品副提舉  
一員從七品吏目二人

抽分場提領所凡十處曰柴墟東西口曰海州新垣  
曰北沙大倉曰安河桃源曰太湖東西口曰時葆興

化曰高郵寶應曰汶湖等處曰雲山白水曰安東州  
每所各設提領同提領副提領各一員俱受宣徽院  
劄付

滿浦倉秩正八品掌收受各處子粒米麩等物以待  
轉輸京師大使一員正八品副使一員正九品

圓米棋子局軟皮局各置提領同提領副提領各一  
員俱受宣徽院劄付

手號軍人打捕千戶所秩從四品管軍人打捕野物  
皮貨達魯花赤一員上千戶上副千戶各一員彈壓  
一員

上百戶七所一鍾離一定遠一眞揚州一安慶一  
安豐一招泗一和州各置百戶二員

下百戶二所一漣海一懷遠軍各置百戶一員

龍慶栽種提舉司管領縉山歲輸梁米及易州龍門淨邊官園瓜果桃梨等物以奉上供達魯花赤一員提舉一員竝從五品同提舉一員從六品副提舉一員從七品

弘州種田提舉司掌輸納麥麩之事以供內府達魯花赤一員提舉一員竝正六品同提舉一員正七品副提舉一員正八品直長一員

豐潤署秩從五品掌歲入芻粟以給飼養駝馬之事達魯花赤一員令一員竝從五品丞一員從六品直長一員正八品

常湖等處茶園都提舉司掌常湖兩路茶園戶二萬三

千有奇采摘茶芽以貢內府達魯花赤一員提舉一員俱從五品同提舉一員從六品副提舉一員從七品提控案牘一員都目一員

提領所七處烏程德清長興安吉歸安汶湖苧興每所各設正同副提領各一員俱授宣徽院劄付掌九品印

建寧北苑武夷茶場提領所提領一員受宣徽院劄掌歲貢茶芽直隸宣徽

大都四窰場秩從六品提領大使副使各一員領匠夫三百餘戶營造素白琉璃甃瓦隸少府監至元十三年置其屬三南窰場西窰場琉璃場皆置大使副使各一員

凡山采木提舉司掌采伐車輛等雜作木植及造只孫繫腰刀把諸物達魯花赤提舉各一員並從五品同提舉正七品副提舉正八品各一員吏目一員司吏六人上都采山提領所秩從八品提領副提領提控各一員至元九年以采伐材木鍊石爲灰徵發夫匠百六十三戶遂置官以統之

凡山宛平等處管夫匠所提領同提領各二員管領催車材戶提領一員

器備庫提點一員從五品大使一員從六品副使二員正七品直長四員正八品掌殿閣金銀寶器二千餘事甸皮局秩正七品大使一員管匠三十餘戶隸畱守司歲辦熟造紅甸羊皮二千有奇

上林署秩從七品署令署丞各一員直長一員掌宮苑栽植花卉供進蔬果種苜蓿以飼駝馬備煤炭以給營繕

養種園提領二員掌西山淘煤羊山燒造黑白木炭以供修建之用

花園管勾二員掌花卉果木

苜蓿園提領三員掌種苜蓿以飼馬駝膳羊

儀鸞局掌殿庭燈燭張設之事及殿閣浴室門戶鎖鑰苑中龍舟圈檻珍異禽獸給用內府諸宮太廟等處祭祀庭燎縫製簾帷灑掃掖庭領燭刺赤水手樂人禁蛇人等二百三十餘戶輪直怯薛大使四員正五品副使二員從六品直長二員正八品都目一員書吏二人庫

子一人延祐七年增大使二員以宦者爲之領四提領所不具列

木場提領大使副使各一員掌受給營造宮殿材木

大都路管領諸色人匠提舉司掌大都諸色匠戶理斷昏田詞訟等事提舉從五品同提舉正七品副提舉正八品各一員吏目一人司吏二人

眞定路東平路管匠官保定路宣德府管匠官大名路管匠官晉寧冀寧大同河間四路管匠官秩皆從七品每路大使副使各一員

收支庫秩正九品掌受給營繕提點一員大使一員副使直長各二員庫子二人

諸色庫秩從八品掌修內材木及江南徵索異樣木植

并應辦官寺齋事大使副使各一員司庫二人

廣設司司令二員正三品同知二員正四品副使二員  
正五品判官二員正六品經歷知事各二員照磨一員  
總和願和買營繕織造工役供億物色之事至元十四  
年改覆寶司辨驗官兼提舉市令司大德五年又分大  
都路總管府官屬置供需府至順二年罷之立廣設司  
太府監領左右藏等庫掌錢帛出納之數卿六員正三品  
太監六員從三品少監從四品丞正五品各五員經歷知  
事照磨各一員令史八人譯史三人通事知印各一人奏  
差四人中統四年置至元四年爲宣徽太府監凡內府藏  
庫悉隸焉八年升正二品大德九年改爲院秩從二品院  
判參用宦者至大四年復爲監定置如上



大都上都內藏庫掌出納御用諸王段匹納什什紗羅絨錦南錦香貨諸物提點四員從五品大使正六品副使正七品各二員以宦者領之

右藏提點四員大使二員副使二員品秩同上掌收支金銀寶鈔質孫段匹水晶瑪瑙玉璞諸物

左藏提點四員大使副使各二員品秩同上掌收支常課和買紗羅布絹絲綿絨錦木綿鋪陳衣服諸物

度支監掌給馬駝芻粟卿三員正三品太監二員從三品少監三員從四品監丞二員從五品經歷二員知事提控案牘照磨兼管旬各一員令史十四人譯史四人通事知印三人奏差四人典吏五人元初置孛可孫至元八年以重臣領之十三年省孛可孫以宣徽兼其任至大二年改

立度支院四年改爲監

利用監掌出納皮貨衣物之事卿八員正三品太監從三品少監從四品各五員監丞四員正五品經歷知事照磨管勾各一員令史八人譯史二人通事知印各一人奏差六人典吏二人其屬有資用庫皮局貂局官屬不具列

中尙監掌大幹爾朵位下怯憐口諸務及領資成庫氈作供內府陳設帳房帘幕車輿雨衣之用卿八員正三品太監從三品少監從四品監丞正五品各二員經歷知事照磨各一員令史七人譯史三人通事知印各二人奏差五人至元十五年置尙用監改置中尙監又分置兩都灤河三庫怯憐口雜造等九司局而總領之至大間參用宦者三人

資成庫掌造氈貨提點三員從五品大使正六品副使  
正七品各三員

章佩監掌宦者速古赤所收御服寶帶卿五員正三品太  
監四員從三品少監從四品監丞正五品各二員經歷知  
事照磨各一員令史七人譯史二人通事二人奏差四人  
御帶庫掌繫腰偏束等帶并條環諸物供奉御用以備  
賜予提點三員大使三員副使二員品秩同資成庫俱  
以中官爲之

異珍庫掌御用珍寶后妃公主首飾寶貝提點三員大  
使三員副使二員品秩同上

經正監掌營盤納鉢及標撥投下草地有詞訟則治之太  
卿一員正三品太監從三品少監從四品監丞正五品各

二員經歷知事各一員令史八人譯史四人至大四年置監卿太監少監並奴都赤爲之監丞流官爲之

器物局掌內府宮殿京城門戶寺觀公廨營繕及御用各位下鞍轡忽哥轎子帳房車輛金寶器物凡精巧之藝雜作匠戶無不隸焉大使從五品副使正七品各一員直長二員吏目一員司吏二人中統四年始立御用器物局受省割至元七年改爲器物局秩如上其屬不具列

大禧宗禋院秩從一品掌營建佛寺及神御殿朔望歲時齋薦祭祀禮典凡錢糧之出納營繕之作輟悉統之院使都典制神御殿事六員同知兼佐儀神御殿事二員副使兼奉贊神御殿事二員僉院兼祇承神御殿事二員同僉

兼肅治神御殿事二員院判兼供應神御殿事二員參議  
二員經歷二員都事二員管句照磨各一員掾史二十人  
譯史四人知印二人怯里馬赤二人宣使十五人斷事官  
四員客省使正副各二員順帝至元六年罷宗禋院以所  
轄四總管府改爲規運提點所正五品仍增置萬寧提點  
所一處竝隸宣政院

隆禧總管府秩正三品至大元年建南鎮國寺初立規  
運提點所三年升爲隆禧院尋又改爲隆禧總管府定  
置達魯花赤正副各一員總管一員同知治中判官經  
歷知事照磨各一員令史六人譯史知印各一人怯里  
馬赤一人奏差四人

福元營繕司秩正五品達魯花赤一員司令大使副

使各一員吏目司吏各一人管南鎮國寺所立怯憐口事產

普安智全營繕司秩五品達魯花赤一員司令大使副使各一員吏目司吏各一人管太玉山普安寺大智全寺事

祐國營繕都司秩五品達魯花赤一員司令大使副使知事各一員提控案牘一員天祿元年置萬聖祐國寺營繕提點所後改都司

平松等處福元田賦提舉司秩從五品達魯花赤一員提舉同提舉副提舉各一員

田賦提舉司秩五品提舉同提舉副提舉各一員

資用庫提領一員大使一員

萬聖庫提領一員大使副使各一員

會福總管府秩正三品至元十一年建大護國仁王寺及昭應宮置此官掌財用規運之事達魯花赤一員總管同知治中府判各一員經歷知事提控案牘各一員令史八人譯史通事知印各一人奏差四人

仁王營繕司秩正五品掌護國仁王寺民匠之事達魯花赤一員司令一員大使一員副使一員

襄陽營田提舉司秩從五品達魯花赤一員提舉同提舉副提舉各一員

江淮等處營田提舉司秩從五品達魯花赤一員提舉同提舉副提舉各一員

大都等路民佃提領所提領一員大使副使各一員

會福財用所秩從七品掌大護國仁王寺糧草諸物  
提領一員大使一員副使二員

崇祥總管府秩正三品掌大承華普慶寺達魯花赤一  
員總管一員副達魯花赤一員同知治中府判各一員  
經歷知事提控案牘兼照磨各一員令史六人譯史知  
印各一人怯里馬赤一人奏差四人

永福營繕司秩正五品延祐三年以起建新寺始置  
是司達魯花赤一員司令一員大使副使各一員都  
目一員

昭孝營繕司秩正五品天祿元年置是司掌壽安山  
建寺達魯花赤一員司令一員大使副使各一員  
普慶營繕司天祿元年置達魯花赤一員司令一員



元史卷八十四  
大使副使各一員

崇祥財用所至大二二年始置提領一員大使副使各

一員

永福財用所掌出納顏料諸物提領大使副使各一員

鎮江稻田提舉司達魯花赤提舉同提舉副提舉各一員

汴梁稻田提舉司達魯花赤提舉同提舉副提舉各一員

平江等處田賦提舉司達魯花赤提舉同提舉副提舉各一員

冀寧提領所提領二員

隆祥使司秩正三品天厯二年中宮建大承天護聖寺立隆祥總管府設官八員至順二年升爲隆祥使司秩從二品置官司使四員同知副使司丞各二員經歷一員都事二員照磨一員令史十人譯史通事知印各二人宣使十人典吏六人

普明營繕都司秩正四品天厯元年勅大龍興普明寺於海南置是司隸隆祥總管府置達魯花赤司令大使副使各一員知事提控案牘各一員

集慶萬壽營繕都司秩正四品天厯二年建龍翔萬壽兩寺於建康立是司隸隆祥總管府置達魯花赤司令大使副使各一員知事提控案牘各一員

元興營繕都司秩正四品掌營造錢糧之事達魯花

赤二員司令大使副使各一員知事提控案牘各一員

宣農提舉司秩從五品達魯花赤提舉同提舉副提舉各一員掌徵收田賦子粒之事隸隆祥總管府

護聖營繕司秩正五品達魯花赤司令大使副使各一員掌營造工匠寺僧衣糧收徵房課之事卽大承天護聖營繕提點所改是司

平江善農提舉司秩從五品達魯花赤提舉同提舉副提舉各一員

善盈庫隸隆祥總管府置提領一員大使副使各一員掌金銀錢糧之事

荆襄等處濟農香戶提舉司秩正五品所領河南湖

廣田土爲大承天護聖寺常住隸隆祥總管府置達魯花赤司令提舉同提舉副提舉各一員

龍慶州等處田賦提領所秩九品提領副提領各一員掌龍慶州所有土田歲賦

平江集慶崇禧田賦提領所提領同提領副提領各一員

集慶崇禧財用所大使副使各一員

壽福總管府掌大聖壽萬安寺祭供錢糧之事秩正三品達魯花赤總管副達魯花赤同知治中府判各一員經歷知事案牘照磨各一員令史六人知印通事譯史各一人奏差四人典吏二人

萬安營繕司秩正五品達魯花赤司令大使副使都

目各一員

萬寧營繕司秩正四品達魯花赤司令大使副使都  
目各一員

收支庫提領一員大使一員

延聖營繕司秩正五品達魯花赤司令大使副使都  
目各一員

諸物庫提領一員大使一員

將作院掌成造金玉珠翠犀象寶貝冠佩器皿織造刺繡  
段匹紗羅異樣百色造作院使七員正二品同知二員正  
三品同僉二員正四品院判二員正五品經歷一員從五  
品都事一員從七品照磨管句一員正八品令史六人譯  
史知印各二人宣使四人

諸路金玉工匠總管府掌造寶貝金玉冠帽繫腰束帶  
金銀器皿并總諸司局事達魯花赤二員總管二員並  
正三品副達魯花赤二員正四品同知二員從四品副  
總管二員正五品經歷一員從七品知事一員從八品  
照磨管勾各一員令史五人譯史五人奏差二人

玉局提舉一員正七品同提舉一員從七品副提舉  
一員正八品

金銀器盒提舉司提舉同提舉副提舉各一員品秩  
同上吏目一員

瑪瑙提舉司秩從五品提舉同提舉各一員吏目一  
員管領瑪瑙匠戶五百有奇受金玉府劄

陽山瑪瑙提舉司提舉同提舉副提舉各一員品秩

同前

金絲子局秩從五品大使一員從五品副使一員正

七品直長一員

鞞帶斜皮局秩從八品大使副使各一員

瓊玉局秩從八品大使一員

浮梁磁局秩正九品掌燒造磁器并漆造馬尾樓藤笠帽等事大使副使各一員

畫局秩從八品掌描造諸色樣製大使一員

管領珠子民匠官秩正七品掌采撈蛤珠於楊村直沽等處管領官子孫世襲

裝釘局秩從八品大使一員

大小雕木局秩從八品大使一員

宣德隆興等處瑪瑙人匠提舉司秩正六品提舉一員副提舉一員

溫犀玳瑁局秩從八品大使一員

上都金銀器盒局秩從六品大使副使直長各一員  
漆紗冠冕局大使副使各一員

大同路采砂所管領大同路撥到民百有六戶歲采磨玉夏水砂二百石起運大都以給玉工磨礪之用  
大使一員

管匠都提領所秩從七品掌金玉府諸人匠詞訟都  
提領一員

監造諸般寶貝官秩正五品達魯花赤二員

收支諸物庫秩從八品大使副使各一員



行諸路金玉工匠總管府至大間始置於杭州路達  
魯花赤總管各一員竝從三品同知一員正五品副  
總管一員從五品經歷一員從七品知事一員從八  
品提控案牘一員

異樣局總管府達魯花赤一員總管一員竝正三品同  
知一員從四品副總管一員從五品經歷一員從七品  
知事一員從八品

異樣紋繡提舉司提舉從五品同提舉正七品副提  
舉正八品各一員

綾錦織染提舉司提舉同提舉副提舉各一員品秩  
同上

紗羅提舉司提舉同提舉副提舉各一員品秩同上

紗金顏料總庫秩從九品大使副使各一員

大都等路民匠總管府總管一員從三品同知一員正五品副總管一員從五品經歷一員從七品知事一員從八品提控案牘一員

備章總院秩正六品大使副使各一員

尙衣局達魯花赤一員提舉一員竝從五品同提舉正七品副提舉正八品各一員都目一員

御衣局達魯花赤提舉同提舉副提舉各一員品秩同上都目一員

御衣史道安局秩從六品大使副使各一員

高麗提舉司秩從五品提舉一員

織佛像提舉司秩從五品提舉副提舉各二員

隨路諸色民匠打捕鷹房都總管府秩正二品總四幹爾  
朵位下戶計民匠造作之事達魯花赤二員都總管一員  
同知一員副總管二員經歷知事提控案牘各一員令史  
四人奏差二人至元二十四年置官吏不入常調凡幹爾  
朵之事復置四總管以分掌之

管領保定等路阿哈探馬爾諸色人匠總管府秩從二  
品掌太祖大幹爾朵一切事務達魯花赤總管同知副  
總管各一員知事一員吏二人

管領曹州東平等路民匠提舉司秩從五品達魯花赤  
提舉同提舉副提舉各一員

管領大都納綿提舉司秩從六品達魯花赤提舉副提  
舉各一員

管領大都上都奉聖州長官司秩從六品管領出征軍  
五十有一戶達魯花赤長官各一員

管領保定織染局秩從六品管匠百有一戶達魯花赤  
提舉同提舉副提舉各一員

管領豐州捏只局頭目一員掌織造花毯

管領打捕鷹房民匠達魯花赤總管府秩正四品掌二  
皇后斡爾朵位下歲賜財物造作等事達魯花赤總管  
同知副總管知事各一員吏二人

管領口子迤北長官司秩從五品掌領戶計二百有六  
達魯花赤長官副長官各一員

管領隨路諸色民匠達魯花赤等官秩正五品統民匠  
千五百二十有五戶達魯花赤總管同知副總管各一

員

管領隨路打捕納綿民匠長官司秩從五品掌民匠一百七十九戶達魯花赤長官各一員

管領大都路民匠提舉司秩正七品掌民匠二百有二戶提舉同提舉副提舉各一員

管領涿州成錦局人匠提舉司秩從五品領匠百有二戶達魯花赤提舉同提舉副提舉各一員

管領河間民匠提舉司秩從四品掌民匠二百有十戶達魯花赤提舉同提舉副提舉各一員

管領河間滄州等處長官司秩正五品領戶計五百四十有八達魯花赤長官副長官各一員

管領河間臨邑等處軍民長官司秩正七品掌軍民二

百有二戶達魯花赤長官副長官各一員

管領隨路諸色民匠打捕鷹房等戶總管府秩從四品  
掌太祖斡爾朵四季行營一切事務達魯花赤總管同  
知副總管知事各一員司吏二人

管領涿州等處民匠異錦局秩正五品掌民匠百五十  
戶達魯花赤提舉同提舉副提舉各一員

管領上用織染局秩從七品掌工匠七十有八戶提舉  
同提舉副提舉各一員

管領上都大都麩米等長官司秩從七品領民匠七十  
有九戶達魯花赤長官副長官各一員

管領彰德等處長官司秩從七品掌民百一十有七戶  
達魯花赤長官副長官各一員

管領上都大都等處長官司秩從五品掌民二百六十有一戶達魯花赤長官副長官各一員

管領泰安等處長官司秩正七品掌民百有一戶達魯花赤長官副長官各一員

管領曹州等處長官司秩從五品管民百有五戶達魯花赤長官副長官各一員

管領隨路打捕鷹房諸色民匠怯憐口總管府秩從三品掌太祖四皇后位下四季行營并歲賜造作之事達魯花赤總管同知副總管各一員經歷知事提控案牘兼照磨各一員司吏二人

管領上都大都打捕鷹房納米麪提舉司秩從五品統領百九

五戶達魯花赤提舉各一員

管領大都涿州織染提舉司秩從七品掌領九十有六戶達魯花赤提舉各一員

管領河間路清州人匠提舉司秩從五品掌戶計二百三十有四達魯花赤提舉各一員

隨路打捕鷹房諸色民匠總管府秩正四品掌北安王位下歲賜錢糧之事達魯花赤總管同知副總管知事各一員

管領大都等處納綿提舉司秩正七品掌納綿戶計七百有三達魯花赤提舉副提舉各一員

管領大都等處金玉民匠稻田提舉司秩從五品掌納綿人匠五百二十有一戶達魯花赤提舉副提舉各一員



管領大都薊州等處打捕提舉司秩從五品掌打捕戶及民匠六百餘戶達魯花赤提舉副提舉各一員

雜造局秩正六品達魯花赤一員提舉同提舉副提舉各一員

怯憐口諸色民匠達魯花赤并管領上都納綿提舉司秩正五品掌迭只斡爾朵位下怯憐口諸色民匠及歲賜錢糧等事達魯花赤長官同知副長官各一員提控案牘一員

上都人匠提領所秩從七品達魯花赤提領同提領副提領各一員

上都大都提領所秩從七品掌本位下怯憐口等事達魯花赤大使副使各一員

歸德長官司秩從六品達魯花赤長官副長官各一員  
管領上都大都諸色人匠納綿戶提舉司秩從五品掌  
幹爾朵位下歲賜等事達魯花赤提舉同提舉各一員  
致用庫秩從七品提領大使各一員副使二員  
提領司秩從八品提領三員副提領一員

上都人匠局秩從七品達魯花赤二員副使二員

元史卷八十四終